









教書今侍宗太監晉劉文政今改紀口

守之錦州蘇雄原係文書房掌文書

壽原係文書房掌文書出身在鐵櫥

曾任宮內教書入門口淺遠不及陳蘓文也李朝年

今改裴有聲今發南京李秀才失其名號秀才馬陞

原是文書房捧匣出身別號馬長子曾任惜薪司提


理今發南京諸蠻子江西人失其名其司禮監名下

則趙秉彛孟忠金良輔劉應坤石元雅涂大輔

卷三

二

不




王朝輔楊國瑞蘓應宣丘洪緒李守質李廌詔劉興
等若干人俱在 先帝御前做管各衙門郎及外方
鎮守者俱略載 逆賢羽翼款中梁棟下管文書官人
趙奉有馮姓者失其名司禮監名下翟國禎等若干
人李永貞下管文書官人孫光祚原文書房寫手出
身今侍王公文政吳有兆曾任乾清宮牌子今削位
劉若愚今在獄丁紹呂內官監管理大工領 勅有
名今侍司禮監掌印高公時明劉惟善賈如臯于周

服羅英錢逢盛等與若愚打發永貞批文書共劾抄
膳之役者也其掌家則王誠德崇禎元年夏追贖畢
降更鼓房淨軍今故石元雅下掌家許秉彛曾任內
官監管理天啓七年各降淨軍發鳳陽崇禎元年夏
提解來京審無證據仍發鳳陽管文書官人陳應祥
魏雲麗今見侍廠王公永祚黃國祥當任文書房今
尚住餘不知名涂文輔下管文書官人劉秉德曾任
暖殿今退出張國寧曾任管櫃子近侍金介忠殷良

弼曾任宮內教書今侍掌印高公時明餘尚有二三
人不記姓名也凡點將等三錄有名或咨帖有名則
自乾清宮大殿內發下片紙各直房官人即於進士
履歷及縉紳便覽查寫是誰門生父是誰那里人那
科出身抄帖回報以聽施行一日欲處錢受益以為
錢讓益之昆仲也又一日欲處黃願素以為黃尊素
之昆仲也各直房識字官人細查籍貫父祖姓名逆
賢方已凡每日票本奏下各秉筆分到直房即管文

書者打發本管公之每本照閣原票批紅批畢奏過
總發行此 皇祖累朝以來舊規非止今日一家一
人如此也





秋本

本章經手次第二十三

凡每日通政使司對本到文書房回知該正公、郎
付掌文書周近侍進朝等拆開口占註語畧節傍有
寫手一人執筆草稿文書單單連本付捧匣者如侯
保山李黑子張太漢等失其名請本主乾清宮大殿
內付王體乾梁棟李永貞石元雅涂文輔分投互看
凡有要緊處即鈐濶一寸許白紙條復於本上下空
紙處用指甲掐一痕有應閱白逆賢者永貞三人爭

先朗誦體乾助為講解逆賢聽畢方公同商議區處
遵奉南樂相公及崔呈秀等密遞姓名著數行事每
日閣中封來票本亦文書房拆開呈體乾等照前分
投互看如不合逆賢意有應改者及本內有錯字或
稱逆賢該出溫音者亦各鈐紙條搃痕為記又每
日申時後會極門接得實封文書文書房轉呈體乾
等亦先於大殿拆看如遇有涉前項密遞線索姓名
亦各鈐紙條搃痕為記以便次日早奏請施行除體

乾等五人之外絕無人敢擅掐痕鈐紙條者其紙條
於傳票改票時即除去而凡掐痕之本今存各科者
可驗也以上通本票本乃晝間事惟會極門封本雖
官大殿內看過尚恐未遍未詳捧匣者又自日暮為
始先到日精門體乾直房次到西南攔角逆賢直房
次過月華門到梁棟直房到右元雅直房到涂文輔
直房次再過仁蕩門到李永貞直房各家都有經營
文書識字官人如若愚之類者立于桌傍一本一本

打發各家本管公、細查看或延至二更三更始完
惟在文書多寡何如捧匣者宮中亦有直房一間每
日晚向膳房例給酒食供給每夜文書看完方繇仁
德門縫叫應門外官人將門縫拭淨裏外各執燈籠
查數逐出呈文書房該班衆公、看過仍交與掌文
書周近侍等并寫手官人從新燈下開寫停當於五更
攢點頭次宮闈又都將是日早事應奏文書捧至日
精門體乾直房復加查看通本若干票本若干批紅


該發若干比至天將明仍復全到是日該正秉筆直
房亦查看一周每晨奏先帝覽文書時逆賢永貞
元雅文輔先將應處應點姓名及應改票帖俱托休
乾口奏回萬歲爺某係門戶該處某票某字該改
或從史先帝御筆親改惟梁棟不經營魏廣微崔
呈秀等言而逆賢不識字從來不批文書不輪流該
正然頗有記性只在御前贊揚附和植黨徇私或危
言冷語挑激聖怒凡奏文書之時管事牌子皆屏

息遠侍不敢近前至于一本一本口奏姓名黨逆朋
比者王體乾也幫助逆賢查姓名者李永貞石元雅
徐文輔三人也其東筆梁棟孫暹郝隱儒俱不能干
預一字也其贊逆賢執掌收藏姓名原本及外來襍
帖者李朝欽而造謀殺命秘迹線索害人者廣微崔
呈秀也一切削奪勒限追贓諸嚴旨皆內閣顧秉
謙等票擬非中旨也見有閣中底簿中書官可證也
擠蒲州烏程聊城者南樂也擠南樂者又崔呈秀也

詔獄鍛鍊承指下手者許顯純也謀興大獄私圖
報服者呈秀徐大化霍維華等也殺義僕韓三欲搆
成賄案牽連蒲州者楊維垣等也維垣雖以中旨起
官而未甚大者因為替座師徐紹古攘戶部右侍郎
缺為南樂銜之而魯向逆賢譖之也危哉狼哉至今
言之猶令人色變心顛按南樂既罷相臨行時亦具
厚禮於逆賢體乾等其扇上親寫詩曰秋雨沉沉夜
未央薊門有客欲還鄉關心廟社愁先結洒淚君臣

念不忘蒼狗白雲仍變幻傾葵捧日但悲傷故人曰
首雙龍遠離思從隨潞水長及抵呈仍各以厚餽彌
縫之恐呈秀等

下石也



抄本

客魏始末紀畧第十四

魏忠賢原名李進忠直隸肅寧縣亡賴子也父魏志敏母劉氏妻馮氏生女魏氏嫁楊六奇者是也賢無子家貧自宮妻改適他方人不存萬曆十七年選入隸司禮監秉筆掌東廠太監孫進名下派與御馬監劉吉祥昭管劉之墳墓今在碧雲寺下北山坡者是也後復本姓曰魏進忠中官規矩本官者視甲科之大主考昭管老叔者視房考同官者視同門本官之

於名下炤管之於任子猶座師之視門生亦若父子
焉忠賢少孤貧好色賭博能飲啗嬉笑喜鮮衣馳馬
右手執弓左手彀絃射多奇中不識字人多以俊子
稱之亦擔當能斷頌猜狠自用喜事尚諛是其短也素好
僧敬佛宣武門外柳巷天殊庵之僧秋月及高橋之
僧愈光法名大謙者乃賢禮之名衲也如碧雲寺僧
則酒肉勢利不足齒矣徐應元亦孫道之名下也與
賢同年

神廟時四川稅監丘乘雲孫暹掌家又徐貴者亦孫
暹名下於賢為前輩而為乘雲在京掌家逆賢實與
應元趙進教為嬖友呼盧飲博因論晝夜逆賢因囊
索之缺遂遠赴四川見乘雲為抽豐計徐貴脩將賢亡
賴狀已繇報房中先布之賢不知也及到丘大怒訶
罵倒鎖賢空室中絕飲食欲斃之時僧秋月遊蜀偶
見丘是時賢不食已兩三日僧乃力為勸解丘勉從
之僅給路費銀十兩遣回僧憐賢仍為致書馬讓嘯

令厚遇之。讓以嘉靖四十一年選入。歷陞內官監總
理。又皇貴妃鄭娘。下宮人林廷宦女。讓所侍也。
最有時^財。凡逆賢困乏。讓每資助之。徐貴又在京具揭
先監處。以魏某私往四川云。乞行重治。亦賴讓救
止之。賢自此在甲字庫。漸裕掌庫。李宗政賢之前輩
也。光廟在青宮。淡薄。先帝既誕之後。生母才
人王老娘。無人辦膳。賢遂黃緣入宮。辦才人娘。
及先帝之膳。具介紹引進者。近侍魏朝。乃王太

監安名下 光廟久寵信之安素剛正主持一宮事
魏朝：夕譽賢安為朝所惑頗信之朝初與 先帝
之乳媪暗相厚所以待安及答應 光廟多不暇
而賢遂乘間亦 暗與客氏相厚分朝愛焉賢性狡猾
指稱辦膳為名 於十字庫諸內臣如葉張等皆騙其
食料醢醬或財物玩好以至非時菜品花卉之類必
巧營取之而轉獻 光廟 先帝以固寵也及才人
娘、崩東李老娘、位列前、時西李老娘、擅專

宮之罷因要

光廟奏請

神廟又密懇皇貴妃鄭

老娘、奏請

神廟將

先帝托西李老娘、看管

又今上已屬看管并西李娘、所生皇八妹者共乳

媪三人在宮客氏原先與魏朝厚既暗與逆賢又厚

一穴兩蛟爭競必至而朝之為人也挑而疎賢之為

人也慙而壯泰昌元年八月初一日光廟登極擬

冊立先帝為東宮是時逆賢列庫銜暗與客氏深

謀遂相與刻意擁戴王太監安而客氏又巧逢迎之

無不可者遂充東宮典膳局官此客氏力也九月初
一日光廟升遐先帝暫居慈慶宮科臣楊漣時
為給諫疏叅及逆賢、無措泣懇魏朝、在王太監
前搗營救之遂得旨着司禮監查明具奏賢先年
原名李進忠遂將西李娘、下用事之李進忠算作
一人以欺外廷其實皆朝刀也朝與賢俱客氏私人
曾結盟誓為兄弟賢居長而朝顧次之稱曰大魏二
魏及先帝即位數月兩人因寵漸相媚嫉於乾清

宮暖閣內醉罵相嚷時漏將丙夜先帝已安寢而
突自御前閑起司禮監掌印盧受東廠鄒義秉筆王
安李實王體乾高時明沈蔭宋晉等皆驚起是時逆
賢已陞秉筆掌惜薪司印魏朝已改名王國臣陸乾
清宮輔掌兵仗局並跪御前聽處分盧受鄒義等侍
側衆咸知忤爭繇客氏起也先帝玉音問客氏曰
客妳你只說你虔心要着誰替你管事我替你斷客
氏久厭國臣猥薄而樂逆賢慙猛好武不識字之人朴

實易制遂心向逆賢而王太監安久中客氏逆賢設
媚且心惡名下之人作此醜態遂打國臣一掌勒令
告病往兵仗局調理離御前矣此時逆賢尚名魏
進忠始得專管客氏事從斯無避忌先帝端拱於
上惟容魏之言是聽而尾大不掉之患成焉後國臣
被斥逆賢矯旨發鳳陽在逃復於薊北山寺中掇
獲使人於中途邀截至獻縣縊殺之按王國臣保衛
先帝聖躬最先曾共卧起頗著勞及登極後晉秩

貴近、御筆改復姓賜名特掌美邸受寵眷不在賢
下嗟哉王太監安何不留國臣以制逆賢或不然就
將賢與國臣坐以驚御之罪而一併先黜大婚禮
成優客氏以金帛而亦黜之外監何明於防西李老
娘、之垂簾而昧於防客氏之媢橫也嗚呼知經而
未知權耶抑拘理而寡於術耶奈何自剪爪牙束身
入井殃遺身後禍及椒紳王夷甫諸人真不能辭其
責矣千古之下有餘痛也初天啟元年四川稅監丘

乘雲徹回京賢差外司房李茂春號完素者遠迎至
畿南丘賞銀三十兩李先入隆宗門外直房回話賢
為之落淚曰我先年被徐貴譖害止給我十兩盤費
今賞你如此便三倍我了歎息者久之其後徐貴竟
為賢所害而立之令終後賴賢喪葬如禮中外榮之
初 祖宗舊制於乾清宮東設房五所西設房五所
係有名封大官婢所住所以正名分嚴等威也泰昌
元年冬客氏遷乾西二所 先帝親臨為之移居陞

座飲宴鐘鼓司官丘邱等扮戲承應司禮監盧受鄒
義守居而王安王体乾高時明沈蔭宋晉隨侍另設
吃膳處於內所側室猶孔聖之有四配焉客氏自此
在宮中乘小轎撥內官近侍擡走儼如先帝嬪妃
之禮缺一青紗傘蓋而茵褥精美為最勝也天啓元
年後改住咸安宮各衙門答應錢糧比御前更喫
緊夏則大涼棚冰無筭也冬則大地炕炭無量也其
驕奢僭踰直日異而月不同凡客氏生日先帝亦

必臨幸陞座歡宴賞賜無限每日先帝所進之膳
皆客氏下內官造辦名曰老太家膳聖意頗甘之
舊制司禮監掌印掌東廠秉筆大膳房遵焯祖制
所造辦之膳酒乃只為具文備賞用而已希進御也
初王體乾宋晉魏進忠三家每月挨辦膳天啓二年
進忠改名忠賢四年以後便是王體乾魏忠賢李永
貞三家輪流辦之遇閏月則各四十日筭之惟客氏
常用辦共四家矣每家經營造辦膳差掌家等官數

十員造酒醋醬等項并葷素各局外厨役將數百人
此紫禁城之外者至於乾清宮以內則每家各有領
膳暖殿四員管果酒暖殿二員請膳近侍四五十員
以上皆穿紅者也又司房管庫房湯局葷局素局點
心局乾碟局手盆局涼湯局水膳局餽膳局管柴炭
及攪膳又其內官百餘員若愚係永貞名下管文書
兼管膳掌班 欽賞花名可證也此皆係外衙門穿
青官人也按 先帝所進之酒曰秋露白曰荷花蕊

佛手湯曰桂花醞曰菊花漿曰芙蓉液曰君子湯曰
蘭花飲曰金盤露等名色可五六十種皆先朝舊
戚臣魏士望傳方佐逆賢外宅造辦而轉於御茶進
之大工告成陞士望玉帶實酬其醞釀力也按茶酒
房職司上用茶酒開雜人無敢輕入者逆賢擅政
王體乾起至暖殿近侍止俱得私向茶房索酒喫而
答應客氏逆賢體乾等器具是筋如私人焉又弓箭
房者秩次之亦皆客魏私人所據司御前弓矢以

倫非逆賢善射好蹴踘跑馬先帝好馳馬好看武
戲又好作水戲用大木桶大銅缸之類鑿孔創機啓
閉灌輸或湧瀉如噴珠或漸流如瀑布或使伏機於
下借水力衝擁圓木球如核桃大者於水湧之小大
盤旋宛轉隨高隨下久而不墮視為戲笑皆出人意
表逆賢客氏唱采贊美之天縱聰明非人力也聖
性又好蓋房凡自操斧鋸鑿削即巧匠不能及又好
油漆匠凡手使器具皆御用監內官監辦用先

帝與親暱近臣如涂文輔葛九思杜永明王秉恭胡
明佐齊良臣李本忠張應詔高永壽等朝夕營造成
而喜之不久而棄之而又成不厭倦也且不受成器
不惜天物任暴殄改毀惟快聖意片時之過當其
斤斲刀削解服盤礴非素暱近者不得窺視或有緊
切本章體乾等奏事奏文書一邊經營鄙事一邊傾
耳注聽奏請畢王音即曰你們用心行去我知道
了所以太阿之柄下移南樂薊州東光輩及在京之

徐大化等一派線索如枹鼓之捷應也 先帝每營
造得意即膳飲可忘寒暑罔覺可惜玉體之心思精
力盡費於此然皇極等三殿落成於天啓之年肯堂
肯構 先帝之好土木豈亦天啓其朕兆耶抑逆賢
之幹濟才智刻意督催之迹或藉此以難泯耶按萬
曆中年乾清坤寧兩宮告成 神廟命止一真人張
國祥率道侶數十人於宮中啓建黃籙大醮 聖誠
格天曾感群鶴飛鳴旋逸之端至皇極等三殿告成

逆賢等只圖廢賚為己榮耳又祖宗舊制凡萬
歲聖節中宮千秋皇貴妃千秋則凡內執事宮人并
王體乾等及山陵等處內官各有賞例每銀一兩以
上六年十月初六日值中宮張娘千秋適先帝
欲幸內教場圖獵聖性最好手刺獐狼狐兔以為
樂是日張娘不肯出廷至辰時以後方始回出止
畧散銀枝個竟累年未批賞非舊典也逆賢生於戊
辰正月晦日自元宵節後送壽禮者做法事祝誕僉

字者每早乾清宮西丹墀幾滿將至正日綬帶擠擊
揆摩之聲鏗然聞有擠傷衣帶腿足者千歲千歲
之聲殷訇若雷而從來盈滿矮橫光景未之有也逆賢
早起漱口自擊銀漱盃之聲盡力大響即宸居咫
尺了不畏也緋袍玉帶充滿道路高明之家鬼瞰其
室盛衰平陂理何逃焉逆賢自泰昌元年冬陞秉筆
凡不識字而躡躡躡秉筆者穆廟時孟冲神廟時
張明先帝時魏忠賢孫暹王朝輔等數人而已天

啓初年遂賢部掌惜薪司內府供用庫尚膳監印提
督寶和等殿天啓三年十二月掌東廠前後獎勅數
十道 溫音無筭也七年十一月廿六日准告病十
二月初二日降淨軍發鳳陽初六日行至阜城縣南
閏夜半與心腹名下李朝欽同縊死於旅店崇禎元
年二月十一日該御史卓邁等遵奉 明旨將逆賢
原尸磔之梟首於河間西門之外天下快之猶恨其
不生正典刑也凡司禮監掌印秉筆非奉公事不敢

出王體乾提督禮儀房四仲之月得奉差選外口寅
出申回不至過宿只曾往京北沙河故里祭掃始過
一宿天啓元年二月逆賢雖出外尚未敢數尚未敢
遠至四年以後外廷暗助羽翼已成伏客氏王體乾
李永貞石元雅涂文輔在內遂遠至涿州等處天壽
山春秋二次祭孝和王老娘、畢郎詣西山碧雲
寺祭本官孫暹及昭管老叔劉吉祥墓或遠至瑤瑤
河看工祭水或至大壩馬房相度修城無非巧立名

色招搖畿輔以恣馳騁明得意耳凡出外之日先期
十數日庀治儲備於停驂之所齋帶賞賜銀錢絡繹
不絕小民戶設香案插楊柳株野花焚香跪接冠蓋
車馬繽紛奔赴若電若雷塵障天而聲動地有狂奔
死者有擠蹈死者燕京若干大都人馬雇賃殆盡凡
達官戲子蹴踘厨役打茶牢役冠馬擡捐之人其數
不止數萬每遇逆賢遠出則京中街市寂然空虛頓
異尋常者將數日焉大約外廷之欲親炙逆光內廷

之獻諛乞憐者凡四人之轎將數百乘矣怒馬鮮衣
束玉而為之前後追趨左右擁護者又百十餘矣跑
馬射嚮箭鳴鏑之聲不絕于耳鼓樂笙管數十餘簇
且行且奏夏則大車載冰冬則炭火如山古今所罕
見也逆賢坐八人大轎前用驛二頭或四頭拉拽之
疾如飛焉逆賢飽則正坐倦則卧醉則憑軾兩眼迷
離不知行至何處也畿南一帶素苦泥潦難行賢為
之捐資修築廣建橋梁隄若長虹至今使之凡御

前有本有要緊之事先時專托劉榮紀用涂文輔等
各派能幹之人站馬疾馳即百里之遠一日可再往
也都城東有故監劉永成之墓寧晉伯之伯祖也逆
賢曾便道一展拜而奏請新之此時魏良卿尚未封
伯蓋私視其規模為良卿封伯計耳逆賢有名馬千
餘騾數百皆邊弁梁柱朝楊國棟馬世龍滿桂侯世
祿尤世威及督臣王象乾闔鳴泰劉詔等送之楊國
棟者逆賢名下牌子曹承恩之妙夫也梁柱朝者逆

賢名下暖殿胡國用之姪婿也凡所送之馬鞍韉精
好每具何止百餘金不過剝軍餉占軍匠以辦之為
一已功名地可嘆可恨其後李永貞出外往西山北
山通轡亦如逆賢之疾行奢侈而馬亦多跑死其雨
泥暴殄不恤小情更甚于逆賢也凡體乾逆賢永貞
元雅文輔出外而林下大老公如高如沈如宋各有
重犒之禮以諛之槩不收也崔呈秀素與許秉彝契
厚如同胞始得與逆賢交結秉彝力也又有李魯生

李蕃先掃高樂之門後入涿州之幕見涿州不能久
任則又與崔呈秀比焉首行贊美重修肅寧城垣者
呈秀也誇詡大壩城垣者巡青之李暮生也因媚賢
而又媚永貞著通州造扁送至永貞富河莊胡老人
未敢懇掛永貞拒而不納人皆笑而鄙之者李蕃也
永貞之侄李之旺得考入通州學入丁邗北闈試應
者蕃力居多與逆賢閣家看風水推星命規造墳地
府第妄言禍福無所不著方弘廕也書寫圍屏扇畫

者袁心學許周賓揚善等也書寫皇極等殿文昭等
閣牌額者顧承宗顧名遠也凡逆賢一應辭思廕等
項奏本皆心腹外司房李茂春或東廠外寫字掌班
耿良臣孔應鰲劄稿李朝欽念與逆賢聽有不合意
處賢授意朝欽改正寫真則東廠閣司房等也○逆
媪客氏者定興縣民侯二之妻生一子曰國興娶不
多年泰昌元年冬封奉聖夫人先住乾西二所後住
咸安宮每日天將明即至殿內候先帝聖駕醒始

至御前甲夜後回咸安宮其鳳彩門亦有直房凡逆
賢往宮相見時必將宮人官人屏開語秘不得喧然
上危中宮皇后及裕妃張娘娘等獨用玉体軋我王
太監安王國臣等皆容氏造謀也其母老矣彼時尚
在每以惜福持滿戒勸容氏不聽凡容氏于天啓元
年某月閏中旨慰留者皆體軋力也七年九月初三
日奏懇今上准歸私第其夜五更開宮門之後容
氏衰服赴仁智殿先帝梓宮前出一小函用黃色

龍袂包裹云是 先帝胎髮瘡痂及累年剃髮落齒
剪下指甲遂痛哭焚化而出至奉 旨籍沒步赴浣
衣局于十一月內 欽差軫清宮管事趙本政臨局
筭死發淨樂堂焚尸揚灰其子侯國興杖誅其弟容
光先止擬遣成容氏掌班內官張貴劉失其名：下
崔祿計國寧等各行賄得免容氏貴顯時惟王休軫
者奮魏忠賢表裏梁棟舊人凡送禮時棟僅下小的
帖然都叩頭自孫暹王朝輔劉應坤李永貞石元雅

徐文輔及管事牌子刘忠王應科胡明佐等每日見
必叩首如子姓焉夫以乳媪儼然住宮自視為聖
上八母之一亦僭妄殊寵極矣且倏出倏入人多訝
之道路流傳訛言不一尚有非臣子之所忍言者皆
不足信也按自天啟元年起至七年止凡客氏出宮
暫歸私第必先期奏知先帝傳一特旨某月某日
奉聖夫人客氏往私第去云云至日五更欽遣軺
清宮管事牌子王朝忠或徐文輔等數員及暖殿數

十員穿紅圓領玉帶在客氏前擺隊步行客氏自咸
安宮盛服靚粧乘小轎繇咸德和順德右門經月華
門至乾清宮門西一室亦不下轎而徑坐至西下馬
門凡弓箭房帶箭管櫃子御司房御藥房請小轎
管庫近侍把牌硬弓人等各穿紅蟒衣窄袖在轎前
後擺道圍隨者數百人司禮監該班監官典簿掌司
人等數人大書房宮咸於寶寧門裏跪叩道傍迎送
凡得客氏目視或領之則榮甚矣內府供用庫大白

蠟燈黃蠟炬燃亮子不下二三千枝轎前提爐數對
燃沉香如霧客氏出自西下馬門換八人大圍轎方
是外後擡走呼殿之聲遠在 聖駕遊幸之上燈火
簇烈照如白晝衣服鮮麗儼如神仙人如流水馬若
遊龍天耶帝耶從來不曾見也每年不論冬夏或出
三四次不止客氏到宅陞廳坐自管事起至近侍止
挨次叩頭老祖太干、歲之聲殷然震天各有回答
銀幣以犒酬之凡 欽賜金銀錢幣不可勝計每日

三時報 御膳以賜者絡繹旁午或在外住十餘日
不等而逆賢催入焉出入皆於五更其迎接圍護如
一客氏私第在正義街西迤西蓆市街北而逆賢亦
有一第便在街南斜對門不遠賢與客氏滿望後來
得請林下受享富貴齊眉到老不料賢侄良鄉客氏
男國興乃駢首戮於市蓋裕妃張娘、王太監安揚
左等慘死冤魂必不肯默、寂然於泉下也古今報
應誰肯饒過誰哉初賢在西庫與 孝和老娘、辨膳

時便漸饒裕而良卿執掌上房庫房鎖鑰凡酒漿食物出納勒渠聞良卿雖不曾讀書而儀表堂々亦善說話侯國興少受業于涂文輔肥蠢異常口甚小而神不足坐則眊睡氣息勤々或與人共坐未及欠伸而已入夢鄉矣此二人形狀纍臣一面未識一字未通至于崔呈秀更不曾識面交通者也夫如是而懸坐曰同謀非忌者下石而何耶寃哉事久論定自有公評必難哄天下後世也客氏往咸安宮時先帝

賜名下官人如崔祿許國寧外尚數十人以至各衙
門投托私人將數百焉又賜近身答應宮人十餘口
及今上准歸私第之初而徐應元尚踵故套每日較
御膳賜之錢幣銀兩已不能如先帝在日其隨往
私宅尚有賜過宮女四口後不知歸于何處容氏墳
地在京西之田村今已拆毀逆賢墳地在碧雲寺所
費甚鉅及各處生祠逆像並廢毀無遺良卿國興等
誥券盡行追奪逆賢妻馮氏止生一女嫁楊六奇而


馮繼先者其妻族也逆任魏良材曾廕都督先逆賢
死良材非魏家子乃南方買來小廝為逆賢所愛冒
魏姓而膺廕也傳應星者逆賢親姪魏氏之子也天
啓七年五月病死又惜薪司內官劉失其名者逆賢
生母之族弟也因毆傷僧命法司追理遂奏知先
帝擊赴更鼓房勒令自盡魏良卿的係逆賢之侄非
子也繇光祿寺署丞改廕金吾歷五伯侯公爵代
先帝郊天園丘七年孟秋代享太廟代填祝版樂

寵極矣先是閣中曾擬獎勅體裁臚列與曹操之
九錫文相近見者無不瞪目咋舌母惑乎人疑其朶
頤大物然逆賢實無其心實非其人也但彼不學無
術甚于霍光客氏狠毒浮于婁顯害裕妃等慘于許
后良卿等驕奢擅寵遠過山雲本靠徐應元為接手
後劬而應元另具別賜矣託李永貞石元雅徐文輔
為眼目而永貞文輔但知擁戴應元甘悖逆賢如遺
迹矣視外廷崔徐楊霍諸人欲同劉歆華子魚輦而

如寵互爭一敗塗地不可收拾矣世有生來好殺人
好殺貴人偏聽縉紳以廣殺縉紳正人而欲得令終
于牖下豈理也哉從來叛逆者首惡真犯正法凡幼
小無知者咸另議處天啓年間為妖蓮等犯有懷抱
嬰孺赴市曹駢斬尚此睡懷抱中未醒者市人嗟嘆
孺子何辜逆賢客氏既以慘殺佐先帝惟痛有者
七年之久中宮張娘、等凡誕皇子三位皇女二位
皆保衛不得法以致嬰年薨夭良可悲痛逆賢之死

抄本

而判骨豈不有天道哉累臣于天啓丁卯冬謫南之
際見沿途田里間孩兒多慙壯易得存養遂倫
纂保衛殘言一冊計十款于崇禎戊辰仲春梓行南
北無非為聖子神孫詳計久遠即士庶人家亦用
得着者也



逆賢羽翼紀畧第十五

李永貞者通州富河庄民李經之子也經原寶坻縣人僑寓於此先娶高氏生長男失其名流落不知何往次男李奉三男李成又生一女嫁皮村李家今萎矣高氏故繼室者申氏也生第四子失其名少與永貞聞牆遂輕生自縊於房後棗樹上永貞第五子也自五歲時闈為宦者十五歲進京侍 瑋瑞顯皇后之母夫人趙氏於永年伯王棟宅中十九歲選入皇

城時萬曆辛丑六月也七月內即陞坤寧宮近侍又
一年經故永貞原名李進忠於萬曆三十一年即奉
旨墩鎖類遭譴責幾賜死者數矣先監曾力救之
後始奉有過赦不赦之 旨至唐申七月二十一日
奉 神廟遺旨釋放復原職近侍于坤寧宮 孝瑞
顯皇后宮九筵前供職始與逆賢識面泰昌元年九
月初一日鄒義尚膳監掌印列任尋陞永貞司禮監共
墩鎖十八年也始讀四書詩經後讀易經書經左傳

史漢等古書習寫趙吳興字體善奕碁能作詩作古
文亦能看選時文其兄奉生子之旺成生子為俱序
生其餘李之榮李之藻等數人皆廕錦衣衛生甥慕
克慕舜皆陞序班僕李培亦陞光祿寺署丞初天啓
元年九月高太監時明王太監安盧太監受俱同時
相繼告病求退為自全計其年秋遂賢與王體乾串
同一路時陞史賓諸棟梁棟張文元裴昇秉筆承貞
遂入諸棟之幕而棟掌兵仗局印時在局居住管理

劉榮者號野亭自玉熙宮近侍出身健訟通文理逆
賢之心腹掌班也為棟屬僚遂與永貞相結互相推
獎恨相識之晚也棟於天啓二年夏因請帑不遂與
逆賢左憤鬱病卒永貞緣榮力薦入賢幕陞文書房
至三年十一月先帝親詣園丘郊祀回陞永貞
玉帶隨堂秉筆賜坐蟒攬扞匝月五遷總榮薦拔貞
後因與宮人亂逆賢逐之而李朝欽始不離左右矣
榮雖被逐在兵仗局住耳目甚廣凡有所聞即密疏

于帖緘封之差名下官人馬猷祥八宮頻見永貞屏
人密看畢即焚棄之在猷祥亦不知何等語也後榮
又因暗謀逆賢事露賢恨之嗾兵伏局掌印王應科
叅榮處死六年四月二十九日永貞隨朝跌傷左腹
告假在梨園直房調治至五月初六日因王恭儼之
變懼而求退體乾固不肯放嗾逆賢借先帝天語
催永貞少愈即出永貞為人有力矜肆驕謫極好面
折人不肯為之下七年正月初旬司空薛鳳祥有疏

為今上婚禮在邇其移居第合用錢糧厥臣體乾
時匱乏極力節省所有內官監合辦者量於該監掇
括湊處永貞嗔其不全應付而推諉一半于內官監
也遂爾同王体乾向遂賢曰外官一邊搗哄一邊叅
小的衙門賢默然次早賢乃稱病不起亦不赴御
前但垂首冷笑長吁短歎切齒曰原來天下之人
都是搗哄虛譽我體乾代永貞危之永貞亦慌懼極
不安泣懇賢掌家王朝用力為救解賢怒少釋又次日

賢始力疾到先帝御前雖值元宵然不樂者數日
逆賢好名中諛惱人直言大率如此惜永貞非勇退
之人實貪大工之乾沒告成之息廕馴至成禍
非一朝一夕也其戕害揚左諸人造謀布穿實繇外
廷線索歷有據永貞即非助逆殺人之人然而在
御前及逆賢面前顧不知果何先景又不知劉榮密
帖是何字句凡回到直房偶因其事亦曾向羣臣等
或痛哭怨嘆以今思之想必心口不一換語粧點以

詐忠陰賊哄衆人乎不然何其視若愚如仇讐而猜謗
間謀無所不至何耶想一則恐若愚眼前苦口勸諫一
則恐若愚日後復侍高公子已不便所以阻抑之禁
錮之嚴防左右凡事不可洩漏與若愚知之其度量
心地可槩見已七年八月二十四日 今上即位永
貞于二十七日告病未久九月初二日差徃 天壽
山看擇 先帝壽宮初四日回見朝蒙 欽賞赤金
二十兩永貞洒淚固辭 聖顏頗不悅勉慰領受九

月初七日准辭十月初二日即自砌于外宅小院之內晝夜讀書穴墻以通飲食二十六日間逆賢允辭始折墻見人撫令思昔蓋永貞之固求退也非真心退也原欲與徐應元合為一局攢退逆賢借應元之力待永貞從新另做世界此機巧人多不能知之至十一月初二日天不從人徐應元王國泰退矣永貞始手忙脚亂密差周承思等覬王太監體乾王太監永祚王太監文政各銀五萬兩皆侵落大工原物

也旬日後三家畏 聖上英明且知永貞素性反復
遂都不敢收十一月十七各進獻 御前着內承運
庫收是日晚李永貞知之不自安密庀鞍馬率其甥
婿孫良濟易服逃走二十六日奉 旨降永貞淨軍
發湖廣承天府 顯陵安置舉家驚慌無處尋找不
數日其兄李成自縊死矣至十二月初九日永貞外宅
得一報信男子持永貞親筆帖着回取盤費衣物銀
兩宅中居住掌家王誠德等挈獲居住將來帖齎入

宮中稟見體乾等奏 聖明着承天守脩魏相下官
人徑同永貞家人名下就往黃河岸上將永貞押赴
顯陵崇禎元年春永貞兄李奉亦驚憂死矣二月
又將來貞同徐應元自承天調鳳陽三月內山西道
御史劉重慶疏奏將永貞提解赴北塗中服砒霜不
死絕食旬日不死四月十二日入刑部獄六月二十
日中府會審擬斬罪決不待時二十七日召對玉音
云李實空印本李永貞填寫驗其墨壓硃七月初十

前後 旨乘連夜陰雨永貞自縊兩次皆繩斷跌暈
頸皮勒損又不得死至十六日未時縛赴正義街臨
刑之際尚跪向監斬官訴冤人多笑其不中用也生
年四十有六掌家王誠德自六月丙於司禮監追贓
被刑比之後降更鼓房淨軍七月初旬已先永貞病
故而管家婁允德掌班丁紹呂暖殿周承恩姜永憲
管上房曹文玉蔡化齡李秉德王應時料理後事其
妹夫王道寧侄李芮等及心腹家人李培等皆挾厚

貲四散逃躲或報應商役或被人拏訛或改面事人
凡踰二年而永貞自首尚異處無一肯為殮埋者後
王道寧偶因他事干連繫獄累臣以骨肉大義勸勉
及道寧出獄始自大興縣購其首漏澤園啓其軀於
阜城閔外嘉祥觀後買地瘞之癸酉春累臣蒙 恩
改擬候覆問其冬道寧暴亡恐久湮無處可問遂重
賞經手王工人等報尋得葬處醴牲冥資遣僕代奠
其祭文曰嗚呼痛哉戊辰孟秋既望之夕候 旨徬

徨中心如刺詰朝相辭畏威號々詎意我公竟罹大
厄銜抱冤証丹化為碧骨肉逃匿產業蕩然吞猷錄
人豈特簡編小人改面君子情遷後事之託負信誰
憐荒垵權厝土燥多年瞻彼地墳春秋祭酬嗟唯我
公荒第為最泉下交遊佳客藹々夜臺觀書青燐是
賴痛抱沉冤悲纏肝肺嗚呼痛哉未死若愚 朝審
赴市數載奔趨路人嘆息呼天何辜屢蒙存活淚血
為枯甌勉作善幻視微軀六七年來敢忘 厚德啟

依釋門布衣蔬食近荷平反更生在即曾夢見公如
侍公側遣僕叩奠寬填胸臆 聖明在上終炤覆盆
果得脫難當約同門擇吉卜穴改葬高原勒銘垂後
奠慰尊魂靈其格止哽咽何言嗚呼痛哉尚饗永貞
白晳長髮性狡慧通文能書喜讀韓非短長語極好
談天文好說夢類以身質言語賭重誓語最叵信貪
愎猜險更善負心而性驕好勝自王體乾等無一人
不與之恚怒爭競者即逆賢亦屢次委曲包容之遂

自釀殺身之禍了無救解六年夏於富河大築房舍
置園圃始將其四兄所縊棗樹伐去於興隆寺延僧
衆建華嚴道場百日以懺解超度之七年冬永貞逃
後丁紹呂王成德等打點家產進過銀八萬兩崇禎
九年夏又追銀六萬兩連前次三家未收者通共銀
二十九萬兩其南北往返各項花費屋下隱埋並名
下逃奴吞拐及入獄被騙者不與焉為永貞河邊管
家司鎖鑰者巾帽局管理婁允德也。丁紹呂者昌

平州人也亦辛丑年選入自監甲廠僉書陞內官監
管理逆賢囑永貞延請做掌班及永貞掌內官監印
一應事體資紹呂為多然永貞猜悞自用亦多有不
盡聽者惟故鄉修築并通州城內置產城外修橋及
每年巾帽局鑿散靴料銀兩皆賴紹呂區畫崇禎六
年為慶陵寶頂大雨衝損將紹呂拏赴司禮監代
永貞交贖三千五百兩尋復職後以內官監管理復
經管慶陵工程至十年秋八月二十六日二十七

日 聖駕親登都城徧視 雉堞樓櫓奉 旨着紹呂

以總理同總理馬光忻分左右幫築外羅城紹呂蚤
夜拮据年紀雖老而督催有法勞可念焉十一年九
月間工尚未完猝直虜繇薊鎮墻子路入犯蹂躪北
直遠至山東未敢近都城也紹呂為人善應對有識
見聞兵畧好畋獵頗通堪輿家言多智術有心計能
尺牘文移練達事體揣事多奇中與秉筆田玉契厚
於體乾為同鄉後授掌印高太監時明高自己選擇

墳地于白家潭往西南和地方大覺寺山塲其名曰
九龍山點穴托紹呂同王國輔修造累臣曾閔盛甲
厰王承恩安民厰李艾咸云曾各製大鉄拘生鉄銀
錠用小車運至墳所以銅之蓋但欲奉取當道石擲
之堅其自己職掌戎器之窳則不計也夫臣子何處
不可埋身而必取九龍之名為墳亦不過鑿傷 祖
陵之龍眦與高何所益耶且 先帝時當永貞烜赫
之日富河之風水吉壤門戶方向亦曾竭力托人選

擇而今安在哉。搃之匈奴未滅，何以家為？永貞輩自
見不及此也。永貞同列，秉筆惟石元雅、涂文輔，皆賢
心腹名下也。具見本章經手次第中，其籍貫履歷亦
畧叙於後。王休、乾、梁、棟等亦漫及之。石元雅，北直
雄縣人，萬曆辛丑選入皇城，兵仗局寫字，善射，好畋
獵，不甚讀書，與紀用、塾、厚、泰、昌元年十一月，逆賢奏
陞司禮監，歷任文書房、陞秉筆、掌針工局、印、南海子
提督，延請許秉彛為掌家，首引崔魏之交者，許也。每

見逆賢即屏人語移時方出及大工興後每事面相
授受而許亦衰老不甚靠焉至七年夏奴犯寧錦保
全後呈秀曾有一帖復託許達有請加九錫字樣王
朝用李永貞等曾親眼見之哂其謾倭然逆賢默
已耳元雅亦于天啓九月內告辭十月內逃走客死
于外○許秉彛大興縣人萬曆六年選入皇城曾侍
盧太監受歷陞內官監搃理工程提督皇木廠搃理
各省大木七年十二月被霍維華奏奉 旨着司禮

監掣問該監官鄭之惠等問明具奏又奉 旨有擬
遊線索等語姑夾撈打降做淨軍發鳳陽崇禎元年
夏又被科臣祝世美叅奉 旨提解六月入刑部獄
後于都戒隍廟少司寇丁啓濬等受其重賄以為審
無証據仍發鳳陽○徐文輔北直安肅縣人客氏在
光廟青宮時其子國興尚幼遂延文輔在外訓教
天啟元年文輔冒姓姜選入皇城隍管庫近侍三年
歷陞乾清宮管事四年復本姓隨堂又陞秉筆掌御

馬監印總督四衛營又提督大倉銀庫節慎庫文輔
姿容閒雅有心計善書算通文理最能辯論好彈琴
善射甫四載而晉秩秉筆賜坐蟒攬抗先帝升遐
逆賢因文輔為徐應元炤管之侄且客氏之私人也
差文輔同心腹名下王朝輔迎請今上聖駕踐祚
不想朝輔先退而文輔又叛客魏與李永貞共擁戴
應元幸上察其奸斥之先發鳳陽崇禎元年三月
調發南京新房閣住接太倉銀庫戶部事也節慎庫

工部事也文輔並提督之藉先帝寵靈客魏逆焰
詣兩部到任勒司官行屬禮坐八人明轎使甘茂大
棍舒徐客與揚、長安道上其呼殿之聲比閣臣道
子還雅其音清細而長彷彿聖駕清街警蹕之聲
內官外官無不下馬迴避者又強買戚臣鄭承恩宅
大翔扉宇其署額曰戶部工部乃主事王姓者所獻
諛也復將先朝公主家廟神主逼遷別處濯治不
祥內臣中第一人焉凡魏崔等逆人姓名惟文輔能

頗記憶一日吏部推湖廣司官汪始亨李師沆而師
沆文輔之父母官也遂亟查始亨姓名與逆賢云同
志錄有名攘奪如拾芥焉初逆賢既矯旨殺劉克
敬於鳳陽矣馬鑑者克敬之甥管老叔曾任乾清宮
管事御馬監督告病閑住已久逆賢嗾文輔疏叅
鑑任監督時所造火車銃砲不如法亦矯旨捏贓
降發鳳陽復殺之此天啓六年夏事逆賢心腹馬昇
在可詢也網漏吞舟惟賄之力今不過逆孽軍犯近

復蒙 恩改為民骨肉得完聚也。○王體乾者京北
平州人萬曆六年選入皇城為蘇杭織造孫太監隆
名下讀書正途萬曆二十八年歷陞文書房泰昌元
年八月密以重賄求西李娘、下李進忠充 先帝
典璽局郎九月初七日秉筆掌御用監印辦膳後噉
逆賢殺李進忠以滅活口天啓元年夏掌尚膳監印
及盧受發鳳陽奉 先帝聖旨着王安掌司禮監印
矣而霍維華者直隸東光人時任給事中其妻弟陸

蓋臣天啓元年選入之內官也為高太監時明名下
九宮中動靜霍最先知遂具疏劾安一再上辭疏候
繳 溫旨即出而客氏憚安剛直喜體乾輒媚遂矯
旨准安辭免將司禮印付體乾掌之復陞諸棟等
為幫手屢有 中旨巧留客氏與逆賢比暱為奸又
外結沈灌為謀主逐大臣王紀滿朝薦劉一燝等殺
內臣王安王國臣等心粗胆大漸及嬪妃皆體乾依
阿無主持也天啓四年二月二十日辰時成妃李娘

：誕生皇第二女是時也地大震宮中殿宇搖撼有
聲銅缸木桶之水湧波震蕩凡坐立者骨軟如醉乾
清宮大殿藻井內所懸圓鏡東西南北震動不定如
鐸各焉至五月初十日 太祖忌辰也體乾等不穿
青素而穿青綠錦繡其日未時乾清宮東丹墀旋風
驟作將內宮殿之大鉄片如屋頂方濶者盤旋如紙
隔丹陛石欄杆之上拋擲於西丹墀鏗訇若雷其月
晦即有揚漣二十四教之疏是時汪文言尚繫詔獄

為體乾者若肯從國家起見據外廷謹論屏退克逆
有何難者乃輕徇掌家王朝用之蜜懇且心感客氏
培植掌印遂將如許叅本不肯字、全念而多方曲
庇之忍先帝孤立忠言見忌士大夫之禍從此不
可收拾况又開廷杖之端導稱頌之路全無骨力無
遠識患得患失之閣臣出四六儻語之旨凡口奏
文書之際體乾必歷指姓名幾誤錢謙益黃尊素而
波無辜良可太息體乾為人柔貌深情其貧無比即

自己名下如田玉等而亦巧借題目頻刻削也凡司
禮監題本年月之下上層居中排臣王體乾臣魏忠
賢下層往後排臣梁棟臣李永貞石元雅涂文輔諸
人蓋其媵阿心腸只知獻諛甚非体制可惜典禮衙
門屑越至此真可痛哭其原疏見存者可證也及刻
內臣便覽後甘心讓賢居首特高一字尤可笑焉
神廟時功令寬凡文書房官俱得與外廷結識往來
揚維垣霍維華徐大化等 中旨之起蓋不特逆賢

一人力也天啓七年八月先帝不豫已久乘先
帝彌留之際於八月十一日召今上至御榻傍
玉音亶亶不已而是日閣臣揭所批中旨有禮臣
殿臣輔臣等字樣原揭具存內閣可證驗也二十日
已時永貞自御前問安畢到忠義室直房於衣袖
內取出白蓮四大紙花一個內有鮮血一縷長二寸
餘濶三四分似肉非肉似痰非痰云自萬歲爺鼻
中省出凝結如筋當與丁紹呂及若愚等遮視之有

嗟歎落淚者若愚曰此出自 御前龍聖恙所関不
可輕易遂用紙復包一層上寫某月某日老公 御
前請出血紙花一個隨粘于屋壁高處至申時太醫
院官來問安 御前果索此血以憑計藥當即取下
交進至二十二日申時 龍御上賓遂賢差文輔等
迎請 今上 先帝崩移晷矣嗚呼痛哉 先帝聖
性虛明推赤心置内外臣子之腹惜體乾逆賢非
宗社之噐而南樂薊州東光又皆濃於名利刻於報

復之人梁棟齷齪不足齒李永貞石元雅涂文輔皆
少不更事驟登榮寵天低地窄前無古人後無清議
滿眼只知有富貴滿懷只知有諂諛嫉賢醜正根於
性成伏法者伏法逃亡者逃亡或用重賄苟免平安
倘至夜氣清明良心忽萌之際一追思之不知魂夢
中尚有何顏色而視息人間也身死後又有何面目
對越先帝之靈於在天也鄙夫鄙夫可與事君也
歟哉體乾至崇禎己卯夏籍沒逮刑部獄擬斬庚辰

冬死於獄真天網恢恢疎而不漏 梁棟宛平縣人
萬曆十一年選入歷陞司禮監提督太扣山天啓元
年夏逆賢技陞秉筆掌酒醋麵局印馬謙力也其兄
梁植等廢錦衣衛陞都督同知招權納賄為賢憎惡
七年秋擯棟蘇抗織造旋撤回京今故 趙秉彝北
直新安縣人萬曆二十九年選入泰昌元年冬逆賢
奏陞司禮監天啓七年以監官差送惠藩陞秉筆
孫暹北直晉州人亦二十九年選入 神廟時牌子

王永名下侍逆賢最久作人寬厚陞文書房歷任南
京守備陞秉筆閑住為民戊寅冬虜深入遲守城犒
軍賴以保全 王朝輔原名王朝忠即所稱黑王公
者北直文安縣人二十九年選入侍逆賢久 先帝
登極後陞乾清宮管事提督兩司掌銀作局司苑局
印天啓七年陞秉筆 李明道大興縣人萬曆十七
年選入陞司禮監提督南京守備提督漕運皆客氏
之力而逆賢任之自此之外當年曾任乾清宮管事

牌子職掌銀作局印曾于天啓七年五月差往錦州
接濟禦虜者胡明佐也掌內織染局印者齊良臣也
掌尚衣監印者杜永明也掌司鑰庫印者王秉恭也
總督忠勇營者譚敬也裴芳也提督上林苑監田署
者吳國泰也鄭承恩也掌混堂司印者李本志也監
督勇士四衛營者吳光成也提督御酒房者李昇也
提督牲口房者張應詔也此人乃客氏掌班張貴之
侄也又御茶房弓箭房之鄧汝敬王國祥鄭思廉等

總逆賢名下皆北直人天啓元年選入日在先帝
御前尚有暖殿近侍并二年選入名下數十員不脩
載姓名也 此外如領勅鎮守并徐應元等亦畧次
于佐以備攷焉 劉應坤北直新城縣人二十九年
選入侍逆賢最久歷陞管事同時之劉忠曰大劉公
劉朝曰二劉公應坤則三劉公也總督忠勇營掌御
馬監印後陞秉筆遼東鎮守便宜行事駐劄山海關
天啓七年五月守寧遠崇禎己巳丙子戊寅虜深入

薄新城應坤設法捍禦脩極心力虜畏而宵遯曹太
監化淳疏稱其勞○紀用北直文安縣人二十九年
選入為逆賢心腹陞乾清宮管事提督忠勇營遼東
鎮守便宜行事用粗通文字慷慨有膽畧性孝天啓
七年五月守錦州○葛九思北直延慶州人天啓元
年選入逆賢名下能書精騎射陞乾清宮管事總督
忠勇營鎮守宣大山西丙子秋虜深入九思死于西
山某處此外則張守成李應江胡良輔等不槩錄也

○金良輔孟忠俱北直人二十九年選入泰昌元年
冬逆賢奏陞司禮監任文書房正陽等門提督忠大
壩馬房提督○楊國瑞陝西臨洮人天啓元年選入
逆賢名下陞文書房南京守備○李承先者北直容
城人萬曆十一年選入孫暹名下歷陞內官監總理
○蘇若霖者北直安肅縣人原名進忠十七年選入
繇內府供用庫陞內官監總理天啓元年費數萬兩
差往荊州修惠藩府第未就因病徹回與馬誠李承

先俱領大工坐名勅書分中左右三路督催崇禎元年夏以言官叅論承先若霖都着司禮監拿問追贓完日俱發南京更鼓房淨軍誠先賢死久承先近日亦死於南京若霖茹長齋於崇禎六年為慶陵賢頂兩損復逐北繫獄擬戍仍發南京修梵行猶頭陀也○徐應元北直雄縣人於逆賢為同年同宮兄弟賢天啓七年八月降秉筆十一月發承天後降淨軍調鳳陽按光廟莊妃之封原因撫養今上其薨

也的係應元氣鬱所致近聞死于鳳陽人咸謂有天道也應元為人不識字幼無行宿娼飲博好談謔嫚罵坐立傾欹唇不蓋齒形雖瘦長而眉目無神采腰股筋骨若不聯屬如病初起者焉 神廟時為管庫近侍綽號徐雌牙云蘇若霖與應元契厚在大工時每請應元會飲差去內官郎曾引見 今上於藩邸者數人而內官監總理吳德忠更與應元厚應元請為掌家躡陞乾清宮管事如王朝用故事尋降處

云 趙進教者亦係孫暹名下逆賢應元之嫖賭兄
弟因無賴隨福藩之國秩甚卑天啓五年冬逆賢聽
其密稟諫譖將福藩伴讀崔進於進表到京之日幾
置之死賴李永貞力救始免逆賢復破舊例乘福藩
差進教來京奏陞御馬監稟草欄貼場陞玉帶內府
騎馬看守寶月亭 先帝遊幸亦屢得仰瞻 天表
云至七年夏先逆賢病死喪葬極其盛也○李實者
北直雄縣人萬曆六年選入讀書正途二十九年十

月 神廟點為 光廟伴讀泰昌元年八月陞秉筆
掌御馬監印 先帝登極後差往選 皇后天啓元
年夏差往蘇杭織造實為人朴素無文惟聽掌家樊
得和孫昇等攬掇衆享其利而實尸其名先因楊姜
之事頗與巡周撫起元不睦及南樂通線索與逆賢而
崔呈秀等次第布窵於六年二月內逆賢勅要實空
印本着李朝欽等串謀同孫昇等填寫七君子之命
始斃此事累臣始終未見此本夫空印本既出自孫


昇之手果是何湊砌江南事件果屬誰手捏稿謄真
事閱進呈豈一人一手可能做得惜崇禎元年七月
初四日 聖明召對時只辨硃墨之壓否何如竟未
弟取實從來別本與此本比對字跡但究及寫真之
人則自有寫稿造謀之人再比對原本紅字是誰所
批當時王體乾梁棟李永貞石元雅徐文輔五人之
字跡亦易認也必如是而歷歷實揆直窮到底朝欽
雖死孫昇等見存便言下明白矣乃止以墨跡蓋硃

而指為永貞成案永貞雖死真正捏砌填寫此本之人尚漏網倖免揚於於聖明之世也實原不知情降南京淨軍近亦老死人尚多憐之○王國泰者京師人二十九年選入孝瑞顯皇后司禮監名下也於李永貞為同脉謫南畿二十年光廟登極取回天啓元年退斥後於大佛寺管工客代逆賢喜之補今上藩邸局官遂與徐應元為一派人天啓七年八月陞東筆掌尚膳監印十一月發南京後調承天

降淨軍今為民國忝性篤實多學能書尚氣節善治
生理廣交遊胸中坦率無機械尖巧也○馬謙者宛
平縣人嘉靖四十一年選入繇司設監寫字歷陞內官
監總理逆賢救命之大恩人也謙與秉筆梁棟契厚
陞乾清宮管事改名馬誠性剛直晚營造虛心採納
可則可否則否敢於逆賢面前持正不阿即內官監
之掌印宋晉李永貞咸改容敬憚之大工門閣三殿
初萬曆年間馮御史嘉會掌河南道印時大家估計

所需三千萬計工二十年至天啓年間鼎建馮與少
司馬亦預估計樽節乃所費不過六百萬誠區畫詳
妥任勞任怨祁寒暑雨未之少懈不四五年克臻厥
成勞難泯焉惟曾與搃理戴福壽汪良德管理翟應
奎有隙而幾置之死入多少之誠于天啓七年春病
故享壽將近八十富麗服食亦極內臣之貴何其生
樂死安得報康吉如此抑前世種德因而今生逸樂
耶不可知已紀用石元雅俱兵仗局出身好武勇劉

崇名下馬猷祥掌閔防掌司也凡祖宗以來庫藏
中所蓄刀劍鎗銃一切武器最利最精者遂賢以勢
索取甚多且轉賜心腹名下葛九思劉應坤楊朝等
并侄魏良鄉及傅應星等無算此所以利刃在手逢
着便害也











Blue Cyan Green Yellow Red Magenta White 3/Color


TIFFEN Color Control Patches


© The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17 18
1 2 3 4 5 6 7 8 9 10 11 12 13 14 15 16 17 18

Inches





Inches
Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

B